

類知

寶室秘藏下

卷三

東垣老人 李杲撰

明新安 吳勉學校

大便結燥門

大便結燥論

金匱真言論云北方黑色入通腎開竅於二陰藏精於腎又云腎主大便大便難者取足少陰夫腎主五液津液潤則大便如常若饑飽失節勞後過度損傷胃氣及食辛熱味厚之物而助火邪伏於血中耗散真陰津液虧少故大便結燥然結燥之病不一有熱燥有風燥有陽結有陰結又有年老氣虛津液不足而結燥者治法云腎惡燥急食辛以潤之結者散之如少陰不得大便以辛潤之太陰不得大便以苦泄之陽結者散之陰結者溫之仲景云小便利而大便硬不可攻下以脾約丸潤之食傷太陰腹滿而食不化腹響然不能大便者以苦藥泄之如血燥而不能大便者以桃仁酒製大黃通之風結燥而大便不行者以麻子仁加大黃利之如氣澀而大便不通者以郁李仁枳實皂角仁潤之大抵治病必究其源不可一槩用巴豆牽牛之類下之損其津液燥結愈甚復下復結極則以至導引於下而不通遂成不救噫可不慎哉

通幽湯 治大便難幽門不通上衝吸門不開噎塞不便燥秘氣不得下治在幽門以辛潤之

炙甘草 紅花已上各壹分 生地黃 熟地黃已上各壹分 升麻 桃仁泥 當歸身已上各壹錢 右都作一

服水二大盞煎至一盞去粗調檳榔細末五分稍熟食前服之

潤燥湯

升麻 生地黄已上各貳錢 熟地黄 當歸稍 生甘草 大黃煨 桃仁泥 麻仁已上各壹錢 紅花伍分

右除桃仁麻仁另研如泥外剉如麻豆大都作一服水二盞入桃仁麻仁泥煎至一盞去粗空心稍熱

服

潤腸丸 治脾胃中伏火大便秘澀或乾燥閉塞不通全不思食及風結血秘皆令閉塞也以潤燥和血

疎風自然通利矣

桃仁湯浸去皮尖 麻仁已上各壹兩 當歸稍 大黃煨 羌活已上各壹錢

為極細末煉蜜為丸如梧桐子大每服三五十九空心白湯下

如病人不大便為大便不通而澀其邪盛者急加酒洗大黃以利之 如血燥而大便燥乾者加桃仁酒

洗大黃 如風結燥大便不行者加麻仁大黃 如風濕而大便不行加煨皂角仁大黃秦朮以利之

如脉澀覺身有氣澀而大便不通者加郁李仁大黃以除氣燥 如寒陰之病為寒結閉而大便不通

者加郁李仁大黃以除氣燥 如寒陰之病為寒結閉而大便不通者以局方中半硫丸或加煎附子

乾薑湯水冷與之其病雖陰寒之證當服陽藥補之若大便不通者亦當十服中與一服藥微通其大

便不令結閉乃治之大法 若病人雖是陰證或是陰寒之證其病顯燥脉實堅赤宜於陽藥中少加

苦寒之藥以去熱燥燥止勿加 如陰燥欲坐井中者其二腎脉按之必虛或沉細而遲此易為辯耳

知有客邪之病亦當從權加藥以去之

麻黃白朮湯 治大便不通五日一遍小便黃赤渾身腫面上及腹尤甚其色黃麻木身重如山沉困無力四肢痿軟不能舉動喘促唾清水吐噦痰唾白沫如膠時躁熱發欲去衣須臾熱過振寒項額有時

如冰額寒尤甚頭旋眼黑目中溜火冷淚鼻不聞香臭少腹急痛當臍中有動氣按之堅硬而痛

青皮去腐 酒黃連已上各壹分 酒黃蘗 橘紅 甘草炙 升麻已上各貳分 黃芪 人參 桂枝 白朮

厚朴 柴胡 蒼朮 猪苓已上各叁分 吳茱萸 白茯苓 澤瀉已上各肆分 白豆蔻 炒麴已

各伍分 麻黃不去節伍錢 杏仁肆箇 右咬咀分作二服水二大盞半先煎麻黃令沸去沫再入諸藥

同煎至一盞去粗稍熱食遠服

此證宿有風濕熱伏於榮血之中其木火乘於陽道為上盛元氣短少上喘為陰火傷其氣四肢痿

在腎水之間乃所勝之病今正遇冬寒得時乘其肝木又實其母肺金尅木凌火是大勝必有大復

其證善恐久多噎鼻中如有物不聞香臭目視眩暈多悲健忘少腹急痛通身黃腹大脹面目腫尤

甚食不下痰唾涕有血目皆瘍大便不通並宜此藥治之

升陽湯 一名升陽瀉濕湯 治膈咽不通逆氣裏急大便不行

青皮 槐子已上各貳分 生地黃 熟地黃 黃蘗已上各叁分 當歸身 甘草梢已上各肆分 蒼朮伍分

升麻柒分 黃芪壹錢 桃仁拾箇 右咬咀如麻豆大都作一服入桃仁泥水二大盞煎至一盞

去粗稍熱食前服

活血潤燥丸 治大便秘血秘常常燥結

當歸稍壹錢

防風叁錢

大黃濕紙

羌活已上各壹兩

皂角仁燒存性去皮壹兩伍錢其性得濕則滑濕滑則燥結自除

桃

仁貳兩研如泥

麻仁貳兩伍錢研如泥

右除麻仁桃仁另研如泥外為極細末煉蜜為丸如梧桐子大每服

五十九白湯下三兩服後須以蘇麻子粥每日早晚食之大便日久不能結燥也以磁器盛之紙封

無令見風

潤腸湯 治大腸結燥不通

生地黃

生甘草已上各壹錢

大黃煨

熟地黃

當歸稍

升麻

桃仁

麻仁已上各壹錢

紅花叁分

右咬咀水二盞煎至一盞去粗食遠溫服

小便淋閉門

小便淋閉論

難經云病有關有格關則不得小便又云關無出之謂皆邪熱為病也分在氣在血而治之以渴與不渴而辨之如渴而小便不利者是熱在上焦肺之分故渴而小便不利也夫小便者是足太陽膀胱經所主也長生於申申者西方金也肺合生水若肺中有熱不能生水是絕其水之源經云虛則補其母宜清肺而滋其化源也故當從肺之分助其秋令水自生焉又如雨如露如霜皆從天而降下也乃陽中之陰明秋氣自天而降下也且藥有氣之薄者乃陽中之陰是感秋清肅殺之氣而生可以補肺之不足淡味滲泄之藥是也茯苓澤瀉琥珀燈心通草車前子木通瞿麥各仰蓄之類以清肺之氣泄其火資水之上源

也如不渴而小便不通者熱在下焦血分故不渴而大燥小便不通也熱閉於下焦者腎也膀胱也凡陰中之陰陰受熱邪閉塞其流易上老云寒在胸中過絕不入熱在下焦填塞不便須用感北方寒水之化氣味俱陰之藥以除其熱泄其閉塞內經云無陽則陰無以生無陰則陽無以化若服淡滲之藥其性乃陽中之陰非純陽之劑陽無以化何能補重陰之不足也須用感地之水運而生大苦之味感天之寒藥而生大寒之氣此氣味俱陰乃陰中之陰也大寒之氣入稟之生膀胱寒水之運入感之生腎此藥能補腎與膀胱受陽中之陽熱火之邪而閉其下焦使小便不通也夫用大苦寒之藥治法當寒因熱用又云必伏其所主而先其所因其始則氣同其終則氣異也

通關丸 一名滋腎丸

治不渴而小便閉熱在下焦血分也

黃蘗

去皮剉酒洗焙

知母

剉酒洗焙乾

肉桂

伍分

右為細末熟水為丸如梧桐子大每服一百丸空心

白湯下頓兩足令藥易下行故也如小便利前陰中如刀刺痛當有惡物下為驗

清肺飲子

治渴而小便閉澀不利邪熱在上焦氣分

燈心

壹分

通草

貳分

澤瀉

瞿麥

琥珀

已上各伍分

扁蓄

木通

苓

去皮貳錢

猪苓

去皮參錢

右為麤末每服五錢水一盞半煎至一盞稍熱食遠服或局方八正散五

苓散亦宜服之

導氣除燥湯

治小便閉塞不通乃血澀至氣不通而竅澀也

茯苓

去皮

滑石

炒黃已上各貳錢

知母

剉酒洗

澤瀉

已上各貳錢

黃蘗

去皮洗肆錢

右咬咀每服五錢水三盞

至一盞去粗稍熱空心服 如急閉不拘時服

腎疸湯 治腎疸目黃甚至渾身黃小便赤澀

羌活 防風 藁本 獨活 柴胡伍分 上各 升麻伍錢 已上治腎疸目黃渾身黃 白茯苓貳分

澤瀉叁分 猪苓肆分 白朮伍分 蒼朮壹錢 已上治小便赤澀 黃蘗貳分 人參叁分 葛

根伍分 神麩陸分 甘草叁錢 右對如大豆大分作二服水三盞煎至一盞去粗稍熱食前服

痔漏門

痔漏論

內經曰因而飽食筋脉橫解腸澀為痔夫大腸庚也主津本性燥清肅殺之氣本位主收其所司行津以從足陽明旺則生化萬物者是足陽明為中州之土若陽衰亦殞殺萬物故曰萬物生於土而歸於土者是也以手陽明大腸司其化焉既在西方本位為之害蜚司殺之府因飽食行房忍泄前陰之氣歸於大腸木乘火勢而侮燥金故火就燥也大便必閉其疾甚者當以苦寒瀉火以辛溫血潤燥疎風止痛是其治也以秦艽當歸稍和血潤燥以桃仁潤血以兒角仁除風燥以地榆破血以枳實之苦寒補腎以下泄胃實以澤瀉之淡滲使氣歸於前陰以補清燥受胃之濕邪也白朮之苦甘以苦補燥氣之不足其甘味以瀉火而益元氣也故曰甘寒泄火乃假枳實之寒也古人用藥為下焦如瀆又曰在下者引而竭之多為大便秘澀以大黃推去之其津血益不足以當歸和血及油潤之劑大便自然軟利矣宜作劉湯以與之是下焦有熱以急治之之法也以地榆酸苦而壞胃故宿食消盡空心作丸服之

秦艽白朮丸 治痔疾并痔漏有膿血大便燥硬而作疼痛不可忍

秦艽去芦 桃仁湯浸去皮尖 皂角仁燒存性 各壹兩 當歸梢酒浸 澤瀉 枳實麩炒 白朮已上各

地榆叁錢 右為細末和桃仁泥研勻煎熟湯打麵糊為丸如雞頭仁大令藥光滑煨乾每服五七

十九白湯下空心服待少時以美饀壓之忌生冷硬物冷水生菜之類并濕麵酒及辣辛熱大料物

之類犯之則藥無驗也

秦艽蒼朮湯 治痔疾若破謂之痔漏大便秘澀必作大痛此由風熱乘食飽不通氣逼大腸而作也受

病者燥氣也為病者胃濕也胃刑大腸則化燥火以乘燥熱之實勝風附熱而來是濕熱風燥四氣而

合故大腸頭成塊者濕也作大痛者風也若大便燥結者主病兼受火邪熱結不通也去此四者其西

方肺主諸氣其體收下亦助病為邪須當破氣藥兼之治法全矣以剉湯與之其効如神

秦艽去苗 桃仁湯浸去皮另研 皂角仁燒存性另研各壹錢 蒼朮製 防風已上各 黃蘗去皮酒洗伍分 當歸稍酒洗

澤瀉已上各 梭身檳榔壹分 大黃少許雖大便過澀亦不可多用 右除檳榔桃仁皂角仁三味外餘藥以咀

如麻豆大都作一服水三盞煎至一盞二分去粗入檳榔等三味末再上火煎至一盞空心熱服待

少時以美饀壓之不犯胃氣也服藥日忌生冷硬物及酒濕麵大料物乾薑之類犯之則其藥無効

如有白膿加白葵花頭五朶去苦心青皮半錢不去白入正藥中同煎末香三分為細末同檳榔等三

味依前煎服餌古人治此疾多以歲月除之此藥一服則愈

七聖丸 治大腸疼痛不可忍叔和云積氣生於脾臧傍大腸疼痛陣難當漸交稍瀉三焦火莫謾多方

立紀綱

羌活 壹兩

郁李仁

湯浸去皮另研壹兩伍錢

大黃 捌錢

檳榔

桂 去皮

木香

川芎 已上各伍錢

右除郁李

仁另研入外共為細末煉蜜為丸如梧桐子大每服三五丸白湯下食前取大便微利一服而愈

切禁不得多利大便其痛滋甚

秦羌防風湯 治痔漏每日大便時發疫痛如無疫痛者非痔漏也此藥主之

秦羌

防風

當歸身

白朮 已上各壹錢伍分

炙甘草

澤瀉 已上各陸分

黃蘗 伍分

大黃 煨

橘皮 已上

各叁分

柴胡

升麻 已上各貳分

桃仁 叁拾箇

紅花 少許

右劉如麻豆大都作一服水三盞煎至一

盞去粗稍熱空心服之避風寒忌房事酒濕麵大辛熱物

秦羌羌活湯 治痔漏成塊下垂不任其癢

羌活

壹錢貳分

秦羌

黃芪 已上各壹錢

防風 叁分

升麻

炙甘草

麻黃

柴胡 已上各伍分

藁本 叁分

細辛 少許

紅花 少許

右劉如麻豆大都作一服水三盞煎至一盞去粗空心服之忌風寒處大

小便

當歸郁李仁湯 治痔漏大便硬努出大腸頭下血苦痛不能忍

郁李仁

皂角仁 已上各壹錢

枳實 叁分

秦羌

麻仁

當歸梢

生地黃

蒼朮 已上各伍分

大黃 煨

澤瀉 已上各叁分

右劉如麻豆大都除皂角仁別為末水三盞煎至一盞去粗入皂角仁末調空心食前

服之忌如前

紅花桃仁湯 治痔漏經年因而飽食筋脉橫解腸僻為痔治法當補北方瀉中央

黃蘗 壹錢 伍分 生地黃 壹錢 澤瀉 捌分 蒼朮 陸分 當歸梢 漢防已 防風梢 猪苓 已上各 伍分

麻黃 貳分 紅花 半分 桃仁 拾箇 右剉如麻豆大水三盞煎至一盞去粗稍熱食前服之忌如

前

秦艽當歸湯 治痔漏大便結燥痠痛

大黃 煨肆錢 秦艽 枳實 已上各 壹錢 澤瀉 當歸梢 皂角仁 白朮 已上各 伍分 紅花 少許 桃

仁 貳拾 箇 右都作一服水三盞煎至一盞去粗食前熱服忌如前

陰痿陰汗門

陰痿陰汗及臊臭論

一富者前陰臊臭又因連日飲酒腹中不和求先師治之曰夫前陰者是厥陰肝之脉絡循陰器出其挺末凡臭者心之所主散入五方為五臭入肝為臊此其一也當於肝經中瀉行間是治其本後於心經中瀉少衝乃治其標如惡針當用藥除之酒者氣味俱陽能生裏之濕熱是風濕熱合於下焦為邪故經云下焦如瀆又云在下者引而竭之酒是濕熱之水亦宜決前陰以去之

龍膽瀉肝湯 治陰部時復熱痒及臊臭

柴胡梢 澤瀉 已上各 壹錢 車前子 木通 已上各 伍分 生地黃 當歸梢 草龍膽 已上各 參分 右剉如

麻豆大都作一服水三盞煎至一盞去粗空心稍熱服便以美膳壓之此藥柴胡入肝為引用澤瀉

車前子木通淡滲之味利小便亦除臊氣是名在下者引而竭之生地黃草龍膽之苦寒瀉酒濕熱更兼車前子之類以撒肝中邪氣肝主血用當歸以滋肝中血不足也

清震湯 治小便溺黃臊臭淋瀝兩丸如冰陰汗浸多

羌活 酒黃蘗已上各壹錢 升麻 柴胡 蒼朮 黃芩已上各伍分 澤瀉肆分 麻黃根 猪苓 防風

已上各叁分 炙甘草 當歸身 藁本已上各貳分 紅花壹分 右剉如麻豆大都作一服水二盞煎至

一盞去粗臨臥服大忌酒濕麵

固真湯 一名正元湯 治兩丸冷前陰痿弱陰汗如水小便後有餘滴尻臀并前陰冷惡寒而喜熱膝下

亦冷

升麻 羌活 柴胡已上各壹錢 炙甘草 草龍膽 澤瀉已上各壹錢伍分 黃蘗 知母已上各貳錢 右剉

如麻豆大分作二服水二盞煎至一盞去粗空心稍熱服以早飯壓之

清菴湯 一名柴胡勝濕湯 治兩外腎冷兩髀陰汗前陰痿陰囊濕痒臊氣

柴胡 生甘草 酒黃蘗已上各貳錢 升麻 澤瀉已上各壹錢伍分 當歸稍 羌活 麻黃根 漢防己

草龍膽 茯苓已上各壹錢 紅花 少許 五味子貳拾箇 右剉如麻豆大分作二服水二盞煎至一盞

去粗食前稍熱服忌酒濕麵房事

椒粉散 治前陰兩丸濕痒痛秋冬甚夏月減

肉桂貳分 小椒 當歸稍 猪苓已上各三分 蛇床子 黑狗脊已上各伍分 麻黃根壹錢 輕粉許

紅花 少許 斑猫 兩枚 右為末乾糝上避風寒冷濕處坐臥

補肝湯 治前陰冰冷并陰汗兩脚痿弱無力

黃芪 藥分 炙甘草 伍分 升麻 猪苓 已上各四分 白茯苓 葛根 人參 已上各三分 柴胡 羌活

陳皮 連翹 當歸身 黃蘗 炒 澤瀉 蒼朮 麴末 知母 防風 已上各貳分 右劉如麻豆大

都作一服水二大盞煎至一盞去粗空心稍熱服忌酒濕麵

溫腎湯 治面色痿黃身黃脚痿弱無力陰汗

柴胡 麻黃根 已上各陸分 白茯苓 白朮 酒黃蘗 猪苓 升麻 已上各一錢 蒼朮 防風 已上各壹錢伍分

澤瀉 二錢 右分作二服每服水二大盞煎至一盞去粗食前稍熱服一時辰許方食

延胡丁香丸 一名丁香痲氣丸 治臍下撮急痲痛并周身皆急痛小便頻數及五脉急獨腎脉按之不

急皆虛無力名曰腎疝

羌活 叁錢 當歸 茴香 已上各二錢 延胡索 麻黃根節 肉桂 已上各一錢 丁香 木香 甘草

川烏頭 已上各伍分 防己 叁分 蠍 拾叁 右為細末酒煮麩糊為丸如雞頭大每服五十九丸空心鹽白

湯服

瀉痢門

訶子皮散

癸卯冬白樞刺家一老僕面塵脫色神氣特弱病脫肛日久服藥未驗復下赤白膿痢作裏急後重白

多赤少不任其苦以求其治曰此非肉食膏粱必多蔬食或飲食不節天氣雖寒衣蓋猶薄不羸而腸頭脫下者寒也真氣不禁形質不收乃血滑脫也此乃寒滑氣泄不固故形質下脫也當以澀去其脫而除其滑微酸之味固氣上收以大熱之劑而除寒補陽以補氣之藥升陽益氣

御米殼去蒂芎 蜜炒 橘皮已上各 伍分 乾薑炮陸 分 訶子煨去核 分 右為細末都作一服水二盞煎至一盞

和祖空心熱服

升麻補胃湯 治宿有陽明血證因五月間大熱喫杏腸癖下血唧遠散漫如篩腰沉況然腹中不痛血色紫黑病名濕毒腸癖屬陽明少陽經血證也

白芍藥壹錢 伍分 升麻 羌活 黃芪已上各 壹錢 生地黃 熟地黃 獨活 牡丹皮 炙甘草 柴胡

防風已上各 伍分 當歸身 葛根已上各 參分 肉桂少許 右剉如麻豆大分作二服每服水二盞煎至

一盞去祖食前稍熱服

升陽去熱和血湯 治腸癖下血另作一派其血唧出有力而遠射四散如篩腸中血下行腹中大作痛乃陽明氣衝熱毒所作也當升陽去濕熱和血脉是其治也

橘皮貳分 熟地黃 當歸身 蒼朮 秦朮 肉桂已上各 三分 生地黃 牡丹皮 生甘草已上 各伍

分 升麻七分 熟甘草 黃芪已上各 壹錢 白芍藥壹錢 伍分 右咬咀都作一服水四盞煎至一盞去

祖空心稍熱服立効

益智和中湯 治腸癖下血或血色紫黑腹中痛腹皮惡寒右手關脉弦按之無力而喜熱物慰之內

寒明矣

肉桂壹分 桂枝肆分 牡丹皮 柴胡 葛根 益智仁 半夏已上各伍分 當歸身 炙甘草

黃芪 升麻已上各壹錢 白芍藥壹錢伍分 乾薑少許 右為麤末都作一服水三盞煎至一盞去粗食

後溫服

芍藥 芍藥皮丸 治濕熱惡痢血痢頻併窘痛無問膿血並皆治之

芍藥 黃蘗已上各壹兩 當歸 黃連已上各伍錢 右為末飯為丸如雞頭大每服五七丸食前米飲

湯下忌油膩酒濕麵等物

和中益胃湯 治太陰陽明腹痛大便常泄若不泄即秘而難見在後傳作濕熱毒下鮮紅血腹中微痛

脇下急縮脈緩而洪弦中之下得之按之空虛

蘇木壹分 藁本 益智仁已上各二分 熟地黄 炙甘草已上各叁分 當歸身四分 柴胡 升麻已上各伍分 右咬咀都作一服水三盞煎至一盞去粗空心溫服

槐花散 治腸澼下血濕毒下血

川芎四分 槐花 青皮 荆芥穗 熟地黄 白朮已上各陸分 當歸身 升麻已上各壹錢 右為細

末每服三錢米飲湯調下食前忌酒濕麵生冷硬物

茯苓湯 治因傷冷飯水泄一夜走十行變作白痢次日其痢赤白腹中疝痛減食熱躁四肢沉困無力

生黃芪三分 當歸身肆分 肉桂 炙甘草已上各伍分 猪苓 茯苓陸分 澤瀉壹錢 芍藥壹錢

伍分 蒼朮 生薑 升麻 柴胡已上各貳錢 右咳咀如麻豆大分作二服每服水二盞煎至一盞去粗稍熱食前服之

黃芪補胃湯 治一日大便三四次澇而不多有特作泄腹中鳴小便黃

黃芪 柴胡 當歸身 益智 橘皮已上各參分 升麻陸分 炙甘草貳錢 紅花少許 右咳咀

都作一服水二盞煎至一盞去粗稍熱食前服之

升陽除濕湯 自下而上者引而去之

蒼朮壹錢 柴胡 羌活 防風 升麻 神麩 澤瀉 猪苓已上各伍分 炙甘草 陳皮 麥蘖

麵已上各三分 右都作一服水二盞煎至一盞去粗空心服之 如胃寒腸鳴加益智仁半夏各伍分

生薑三片棗一枚同煎至非腸鳴不得用

人參益胃湯 治頭悶勞動則微痛不喜飲食四肢怠墮躁熱短氣口不知味腹鳴大便微澇身體昏悶

覺渴不喜冷物

黃芪 甘草 當歸稍 益智已上各貳分 人參 黃苓 柴胡 半夏 白朮已上各參分 陳皮 升麻

已上各伍分 蒼朮壹錢 紅花少許 右都作一服水二盞煎至一盞去粗稍熱食前服之

升麻補胃湯 治因內傷服牽牛太黃食藥泄瀉過多腹中大痛

甘草柒分 升麻 柴胡 草豆蔻 黃芪已上各伍分 半夏叁分 當歸身 乾薑已上各貳分 紅花

少許 右都作一服水二盞煎至一盞去粗稍熱食遠服之

瘡瘍門

散腫潰堅湯 治馬刀瘡結硬如石或在耳下至缺盆中或有卡或於脇下皆手足少陽經中及瘰癧遍於頰或至頰車堅而不潰在足陽明經中所出或二證瘡已破流膿水並皆治之

黃芩 剉錢酒洗炒 草龍膽 酒洗各半生用一半 瓜蒌根 剉碎 黃蘗 酒製 酒知母 桔梗 昆布 已上各伍錢 柴胡

肆錢 炙甘草 京三稜 酒洗 廣茂 酒洗 連翹 已上各叁錢 葛根 白芍藥 當歸梢 黃連 已上各貳錢

升麻 陸分 右吹咀每服六錢水二盞零八分先浸多半日煎至一盞去粗食後熱服於臥

處伸足在高處頭低垂每含一口作十次嚥服畢依常安卧取藥在膈上停蓄故也另攪米料作細

末煉蜜為丸如菜豆大每服百餘丸用此藥湯留一口送下或加海藻五錢炒亦妙

升陽調經湯 治瘰癧遠頸或至頰車此皆由足陽明胃經中來若瘡深遠隱曲肉底是足少陰腎經中

來乃戊脾傳於癸腎是夫傳與妻俱作塊子堅硬大小不等並皆治之或作丸亦可

升麻 剉錢 葛根 草龍膽 酒製 黃芩 酒製 廣茂 酒洗 京三稜 酒洗 炙甘草 黃連 酒洗

連翹 桔梗 已上各伍錢 生黃芩 肆錢 當歸梢 芍藥 已上各叁錢 黃蘗 酒洗 知母 酒洗炒 右另

秤一半作末煉蜜為丸如菜豆大每服百餘丸一半作吹咀每服五錢若能食大便硬可旋加至七

八錢水二盞先浸半日煎至一盞去粗臨卧熱服足高去枕仰卧噙一口作十次嚥之留一口在後

送下丸藥服畢其臥如常

連翹散堅湯 治耳下或至缺盆或肩生瘡堅硬如石動之無根名曰馬刀從手足少陽經中來也或

生兩脇或已流膿作瘡未破並皆治之

柴胡壹兩
貳錢

草龍膽酒洗
四次

土瓜根酒製已
上壹兩

黃芩酒炒二
次壹錢

當歸稍

生黃芩

廣茂 京三稜

酒炒同廣茂

連翹

芍藥已上各
伍錢

炙甘草叁錢

黃連酒炒
二次

蒼朮已上各
二錢

右另秤一半為細

末煉蜜為丸如菘豆大每服百餘丸一半咬咀每服五錢水二盞先浸多半日煎至一盞去粗臨

卧熱服去枕仰臥每口作十次嚥之留一口送下丸藥服畢臥如常更以後藥塗之

龍泉散

龍泉粉炒

瓦粉

廣茂 京三稜酒洗
炒

昆布已上各
伍錢

右同為細末煎熟水調塗之用此藥去

疾尤速

救苦化堅湯 治瘰癧馬刀挾癭從耳下或耳後下頸至肩或入缺盆中乃手足少陽之經分其瘰癧

在頰下或至頰車乃足陽明之經分受心脾之邪而作也今將二證合而治之

黃芪壹錢

護皮毛間腠理虛及活血脉生血亦瘡家聖藥也又能補表實元氣之弱也 人參叁分

補肺氣之藥也如氣短不調及喘者加之

炙甘草伍分

能調中和諸藥瀉火益胃氣亦能去瘡

邪 真漏蘆 升麻已上各
壹錢

葛根伍分

此三味俱足陽明本經藥也

連翹壹錢

此一味十

二經瘡中之藥不可無也能散諸血結氣聚此瘡家之神藥 牡丹皮叁分

去腸胃中留滯宿血

當歸身 生地黃

熟地黃已上各
叁分

此三味諸經中和生血涼血藥也

白芍藥叁分

如夏

月倍之其味酸其氣寒能補中益肺之虛弱治腹中痛必用之久寒則不可用 肉桂貳分

大辛